

MARON TÖBRAK

1. Ewi wāween an rijikuul jelā rej likuj bōk im maron tōbrak ilo teej ko?

Elañe rijikuul ro remaron lukkun melele in riit, jeje, kenono, im roñjake juon bar kajin oktak jen Kajin Belle rej aiku lomnake aer bōk teej eo. Uwaake kajitōk ko ijin lal ñan lale wāween am maron tōbrak:

	ELUKKUN bidod aō kōmmane mennin	EBWE an bidodo aō maron kōmmane	EJAB bidodo aō kōmmane ak jab maron kōmmane ñan jidik
Imaron melele jet lomnak ko kin jet enaan ko rekkā aer kwalok ilo jet naan, kenono kadu, im kenono ko ekkā kōjerbali. [Roñjak]	<input type="checkbox"/>	<input type="checkbox"/>	<input type="checkbox"/>
Imaron melele lomnak elab im jet tibdikin melele ko ilo jeje ko rebidodo ewōr enaan ko ekkā. [Riit]	<input type="checkbox"/>	<input type="checkbox"/>	<input type="checkbox"/>
Imaron leto letak melele ibben bar juon armij kin jermal ko rekkā, enaan ko, im makūtkūt ko. [An-Armij-ñan-Armij-Leto-Letak]	<input type="checkbox"/>	<input type="checkbox"/>	<input type="checkbox"/>
Imaron kōjermal jet naan im kenono ko ñan lelok melele ko rebidodo kin jet enaan ko rekkā. [Enaan in Kenono]	<input type="checkbox"/>	<input type="checkbox"/>	<input type="checkbox"/>
Imaron jeje jet kōmelele ko rebidodo im jet enaan ko rekadu im kajitōk ak lelok melele kin mennin kenono ko rekkā. [Jeje]	<input type="checkbox"/>	<input type="checkbox"/>	<input type="checkbox"/>

- Ñe kwar uwaak “Ejab bidodo aō kōmmane mennin ak ejab ñan jidik” ñan jabdewōt kajitōk ko, kwōj aiku lomnake an lablok am katak kin enaan kein im kadeloñ etam in bōk juon teej ilo jeklaj.
- Ñe kwar uwaak “Ebidodo aō maron kōmmane mennin” ñan jabdewōt kajitōk kein, kwōnaj bolen maron bōk 1 ak 2 am kredit.
- Ñe kwar uwaak “Elukkun bidodo aō kōmmane mennin” ñan aoleb kajitōk ko, kwōmaron naj maron bōk 3 ak 4 am kredit.

2. Woñ eo emaron bōk joñjoñ eo an kajin eo an lalin?

Rijikuul ro ilo Jikuuk in Kien ko an Everett ilo kilaaj 7 ñan 12 remaron kadeloñ ettaer in bōk teej eo. Aoleb rijikuul ro rej aiku kadeloñ ettaer im kollaiki wonnen eo kin \$10 ibben armij eo ej bōk eddon jāan ilo jikuul eo aer iloan ien kadeloñ etan rijikuul ñan ien fall ak spring.

JIKIN KADELOÑ ĀT IM TEEJ

3. Ñaat raan in teej ko ilo 2021-22?

Middle School ko: Oktoba 20, 2021 im Maaj 16, 2022

High School ko: Nobomba 17, 2021 im Ebrol 20, 2022

4. Ñaat eo rijikuul ro remaron kadeloñ ettaer?

Middle School ko ilo ien **Fall**: Raan eo jinointata in jikuul ñan Jebtomba 30, 2021

High School ko ilo ien **Fall**: Raan eo jinointata in jikuul ñan Oktoba 30, 2021

Middle School ko ilo ien **Spring**: Janwōde 10 ñan Babode 18, 2022

High School ko ilo ien **Spring**: Babode 21 ñan Maaj 31, 2022

5. Ia eo rijikuul ro remaron kadeloñ ettaer ñan im bōke joñjoñ eo?

Rijikuul ro rej aikuj kanne kajitōk in lale aer melele emōkaj mokta jen aer kadeloñ ettaer im kollaiki wonnen teej eo ej \$10 ibben armij eo ej bōk eddon jāān an jikuul. Teej eo enaj kōmman ilo kajojo imōn jikuul ko an high school im middle school.

KAJIN KO EWŌR TEEJ

6. Kajin ta ko renaj teeji?

Kim naj kajeoñ in kobaiki aoleb kajin ko. Rijikuul ro remelele juon kajin ejab ekkā kenono ilo Amedka rej aikuj kadeloñ ettaer ilo ien fall elañe emaron bōk ien eo elablok in bukōte juon teej.

KREDIT IM JIBAÑ KO

7. Jete kredit ko rijikuul remaron bōke ilo aer kwalok ke remelele ilo riit, jeje, kenono, im roñjak?

Rijikuul ro renaj maron bōk lok ñan emen kredit, ekkar ñan joñan melele rej kwalok ilo joñjoñin riit, jeje, roñjak, im kenono. Kredit ko renaj lelok ekkar ñan joñan melele eo ediktata joñan emōj kwalok ilo aoleben jikin kapeel ko, innem aurōk bwe en wōr an rijikuul ro kapeel ko rekajur ilo aoleb jikin ko emen.

8. Ta jibañ eo ñan bōke teej in?

Rijikuul ro renaj bōk kredit ko kin melele ekkar ñan high school, remaron tōbare kredit eo ej mennin aikuj an kajin an lal in ñan kadiwōjlok, im remaron tōbrak ñan Kakōlle in Melele Ruo Kajin ilo tiploma eo aer.

9. Ewi wāween an rijikuul ro kakoba kredit ko ñan beba in kamool katak ko aer?

Jemlok in teej ko renaj kaju koba ñan beba in kamool katak ko an rijikuul. Rijikuul ro im baamle ko aer remaron karool letā eo an bukon (jilkinlok alikin teej) ñan koonjelor eo an jikuul eo aer ak jikin kadeloñ āt ñan kajitōk bwe kredit in melele kajin an lalin en koba ñan beba in kamool katak ko aer. Rijikuul ro (rar teej ilo jikin ko jet) im baamle ko aer remaron kadedelok beba eo an bukon [2415P](#) ñan kajitōk kōmelim in kredit kin melele juon kajin an lalin, kobaiki ripoot in bōnōbōn eo aer mokta im beba ko emōj kamool, ñan jikin kadeloñ āt ak koonjelor eo an jikuul eo aer. Kredit eo renaj lelok kin juon bōnōbōn ej kwalok Ebwe (Satisfactory, S). Ilo ien ebed ilo beba in kamool katak, kredit ko rebañ jolok.

10. Ta Kakōlle eo an Ruo Kajin?

Rijikuul ro renaj kwalok aer melele kin juon kajin an lalin ilo teej eo kwalok aer jelā ilo joñan melele eo Ebwe Joñan remaron tōbrak ñan [Kakōlle eo an Ruo Kajin](#) ilo tiploma in high school eo aer elañe rej bar tōbare aoleb mennin aikuj ko ñan Kilaaj in Kajin Belle (English Language Arts, ELA), koba tōbrak ilo aoleb kilaaj in Kajin Belle ko an high school im tōbrak ilo mennin aikuj eo an joñjoñin ELA an state.

WONNEN JOÑJOÑ KO

11. Jete naj wonnen teej ko?

An rijikuul ro im baamle ko aer eddo in kollaiki \$10 eo wonnen teej emōj kadiklok wonnen ilo ien kadeloñ āt eo. Bukon eo an jikuul ej bōke eddon wonnen lelok teej eo. Lale ijin lal ñan bar teej.

12. Ñe enaj buñ būruō kin jemlok ko aō, imaron ke bar bōk teej eo? Enaj ke lablok wonnen teej eo?

Aet, kwōmaron bar teej. Ñe kwōnaj kelet in bar bōke teej eo ilo ejjā yīō in jikuul eo, kwōj aikuj kollaiki aoleben wonnen teej eo, im ej oktak jen teej ñan teej. Bukon eo enaj wōt jibañ kollaiki juon ien ilo ejjā teej eo an juon kajin ilo juon yīō in jikuul. Aurōk am lomnak kin melele eo am ilo aoleb jikin melele ko mokta jen am kadeloñ etam. Ñe kwōj lomnak enaj lablok am melele ilo kajin in ilo semester eo kein karuo, kwōmaron lomnak am kattar ñan teej eo ilo ien spring.

KABŌJAK ÑAN TEEJ

13. Ewi wāween aō maron kabōjak ñan joñjoñ eo juon kajin an lalin?

Ewōr teej in kōmelmel ko online ilo eloñ kajin ko. Jouj im etal ñan jikin teej in kōmelmel joñjoñin kajin eo an lalin, kelet kajin eo am, im loor kōmelele ko ilo peij eo (<https://www.everettsd.org/Page/29993>).

Ejab aoleb kajin ewōr teej in kōmelmel, bōtab emaron jibañ am etale teej in kōmelmel Kajin Belle ñan am lale kain kajitōk ko rej lewaj.

14. Ewi wāween aō jelā ñe ibojak in bōke juon teej in melele kin kajin?

Melele kin kajin eo an juon rijikuul ej aikuj bed ilo joñan eo Ebwe ñan bōke emen kredit ko. Ñan lale elañe joñan melele eo an rijikuul eo ej ke ekkar ñan teej im lale lomnak in jibañ ko jet ikijen teej, rijikuul ro remaron etale laajrakin enaan im kapeel ko ilo https://www.actfl.org/global_statements aer jibed bok ko an Ebwe Joñan ñan kajojo kain: leto letak melele ibben armij, kenono in kwalok melele, jeje in kwalok melele, roñjak ilo aer maron ukok, im riit ilo aer maron ukok. Innem rijikuul ro rej aikuj jibed link ko jet emōj lelok ilo bok ko im etale enaan in kamool ko “Maron Kōmmame” ilo Joñan eo Ebwe im joñan ko jet.

15. Ta eo enaj walok elañe ejab emmon jemlok in teej eo aō?

Enaj loñ ien ko ñan rijikuul im rej aikuj bojak ñan raan in teej eo juon ñan kōlablok bōnōbōn ko aer. Kememej bwe wonnen kadeloñ āt eo enaj lablok ñan wonnen molin teej eo elañe kwōnaj lomnak in bar bōke teej eo an ejjā kajin eo ilo ejjā yiō in jikuul eo.

JEMLOK KO AN TEEJ

16. Ewi wāween aō maron jelā kin jemlok in teej ko aō?

Rijikuul ro renaj loe juon letā jen bukon eo an jikuul ej kōjellāik er kin jemlok ko an teej, joñan melele, im joñan kredit in high school ko remaron tōbrak. Joñan kredit ko rijikuul ro rej bōke ej ekkar ñan bōnōbōn in melele eo ediktata joñan ilo jabdewōt jikin kobban melele ko emen (riit, jeje, roñjak, kenono).

KAJITŌK KO JET

17. Ak ñe ej wōr wōt aō kajitōk?

Kajitōk ko kin:

- Kadeloñ āt ñan jejetin juon teej in kajin, kebaak WLA@everettsd.org
- Kredit in high school, kebaak koonjelor eo an jikuul
- Kolla wonnen kadeloñ āt, kebaak armij eo ej bōk eddon jāān ilo high school eo am ak manija in obj eo an middle school